



Communicaziun a las medias

«Da cumpagnia» a Landquart

Cuir, ils 22-05-2018 – **Venderdi, ils 25 da matg 2018 a las 20:00, envida Radiotelevisiun Svizra Rumantscha (RTR) a star da cumpagnia en il Forum im Ried a Landquart. Il public spetga ina saira cun musica d'«Invivas» e cun giuvens musicists e giuvnas musicistas da la «Scola da musica Landquart e conturn». Plinavant prelegia ils scriptur sursilvan Arno Camenisch.**

Il num il pli enconuscent da la saira da RTR «Da cumpagnia» è bain quel dal scrivent Arno Camenisch. Sias prelecziuns han status da cult, e cun ses texts fa el furora betg mo en Svizra.

La cumpart da la musica svizra e regionala en ils programs da RTR è fitg auta. RTR promova registraziuns e produziuns da musica en las pli diversas spartas. Perquai ha RTR era envidà talents giuvens ch'embelleschan musicalmain l'occurrenza. La furmaziun a-capella «Invivas», ch'è vegnida fundada l'onn 2011, sa cumpona da tschintg giuvens Grischuns. Il num «Invivas» stat per perfecziun musicala, divertiment professiunal ed arranschaments d'auta qualidad. Il repertori tanscha dal song da pop fin tar la chanzun populara. Sin tribuna sa preschentan plinavant era scolaras e scholars da la «Scola da musica Landquart e conturn» cun produziuns da cornet, clavazin, ghitarra, violina e saxofon.

Elin Batista - moderatura da «Minisguard» - maina il public tras la saira culturala.

RTR envida cordialmain giuven e vegl da passentar ina saira da divertiment cun interprets indigens al «Da cumpagnia», venderdi, ils 25 da matg 2018, 20:00, en il Forum im Ried a Landquart.

Dapli infurmaziuns

RTR | Madlaina Niggli | referendaria communicaziun e marketing | madlaina.niggli@rtr.ch | Tel. 081 255 75 75